

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 0 KT 0057372 25
Zenica, 05.05.2025. godine

OPĆINSKOM SUDU U ZENICI
- Sudiji za prethodno saslušanje -
ZENICA

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku F BiH, p o d i ž e m

O P T U Ź N I C U

Protiv:

M. M., osuđivan

što je:

Dana 15.03.2024 godine, u vremenu od 09,20 do 10,05 sati, u Zenici, u ulici ..., suprotno odredbama člana 4. stav 1, 2, 3. i 5. u vezi sa članom 20. Zakona o sprečavanju i suzbijanju opojnih droga BiH, neovlašteno radi dalje prodaje kod sebe držao: crnu metalanu kutiju sa poklopcem, u kojoj su se nalazile dvije (2) pvc vakuum vrećice sa sadržajem bijele materije, neto masa 70,647 grama i 83,737 grama, te prozirnu plastičnu kutiju sa poklopcem u kojoj se nalazilo pet (5) pvc paketića sa sadržajem bijele materije, neto masa: 3,831 grama, 0,296 grama, 0,283 grama, 0,326 grama i 0,293 grama, za koje materije je vještačenjem utvrđeno da sadrže psihoaktivnu komponentu „amfetamin“ i predstavljaju opojnu drogu „speed“, koja opojna droga je pod rednim brojem 1. Liste psihotropnih tvari iz tabele II „Tvari i biljke pod strogom kontrolom“, iako je bio svjestan da je držanje opojne droge radi dalje prodaje zakonom zabranjeno, što je i htio, a koja opojna droga je pronađena kod njega prilikom pretresa kuće i pomoćnih objekata od strane policijskih službenika PU I Zenica, a koji su postupali po naredbi Općinskog suda u Zenici broj: ... od 07.03.2024. godine,

dakle, neovlašteno radi dalje prodaje držao opojnu drogu,

čime je počinio krivično djelo „Neovlaštena prodaja i stavljanje u promet opojnih droga“ iz člana 238. stav 1. KZ F BiH.

Radi toga, stavljam

P R I J E D L O G
dokaza koje treba izvesti

Također predlažemo sudu da u skladu sa odredbama člana 78. i 238. stav 4. KZ F BiH osumnjičenom M. M. izrekne mjeru sigurnosti oduzimanja predmeta-opojne droge „amfetamin“ u ukupnoj količini od 159,309 grama, preostale nakon vještačenja, a koja droga se nalazi pohranjena u depozitu PU I Zenica.